



*COPIA DEL MANDATO; Y DE LA
Sentencia pronunciada por Monseñor Auditor de
la Reverenda Camara Apostolica, à favor del muy
Ilustre Cabildo de la Iglesia Metropolitana de Za-
ragoça, contra el Ilustrissimo Señor Arçobispo de la
misma Ciudad, en la Causa del Edicto publicado
por su Ilustrissima à 4. de Julio de 1689.*



FRANCISCUS BARBERINVS PROTONOTARIVS
Apostolicus vtriusque Signaturæ SS. DD. N. Papæ Refe-
rendarius, ac Curiaë Causarum Camera Apostolicæ Ge-
neralis Auditor, necnon Litterarum Apostolicarum Uni-
versalis, & merus Executor, &c. VNIVERSIS, & Singu-
lis RR. DD. Abbatibus, Prioribus, Præpositis, Decanis, Diaconis, Ar-
chi diaconis, cæterisque Præbyteris, Clericis, Notarijs, & Tabellionibus
publicis quibuscumque, illique, vel illis, ad quos spectat, & spectabit,
ac præsentis Litteræ nostræ pervenerint, Salutem in Domino sempiter-
nam, &c. NOVERITIS, quod licet, & causa coram Nobis, sive R. P. D.
Locumtenente nostro infra scripto inter Reverendissimos Decanum, Ca-
nonicos, & Capitulum Ecclesiæ Metropolitanæ Cæsaraugustanæ Actores
ex vna, & Illustrissimum, & Reverendissimum Archiepiscopum eius-
dem Ecclesiæ Reum conventum partibus ex altera vertentibus: proba-
tis probandis, ac servatis servandis, tandem dictus D. Locumtenens cita-
to prius, ac monito in partibus prædicto Illustrissimo, & Reverendissimo
Archiepiscopo, & hic in Curia D. Francisco Iacobello, dicti Re-
verendissimi Archiepiscopi Procuratore per Cursores Sanctissimi Domi-
ni Nostri Papæ, ut moris est: visis videndis, & consideratis confide-
randis, suam in scriptis diffinitivam Sententiam contra dictum Re-
verendissimum Archiepiscopum tulit, huiusmodi sub tenore, videlicet:
CHRISTI NOMINE INVOCATO. Pro Tribunali sedentes, & so-
lùm Deum præ oculis habentes per hanc nostram definitivam Sen-
tiam, quam de Iurisperitorum consilio in his scriptis ferimus in causa,
& causis, quæ coram Nobis in prima, seu alia veriori versæ fuerunt, seu
vertuntur instantijs inter Reverendissimum Decanum, Canonicos, &
Capitulum Ecclesiæ Metropolitanæ Cæsaraugustanæ Actores ex vna, &
Illustrissimū, & Reverendiss. Archiepiscopum eiusdem Ecclesiæ Reum
eōventū ex altera, de, & super executione, & observatione Cōstitutionis
Apostolicæ Clementis Papæ Septimi, sub datum Romæ apud Sanctum
Petrum, Anno Incarnationis Dominicæ millesimo quingentesimo trigesi-
mo tertio, quarto Kalendas Januarij, quæ habetur in Bullario Cherubini,
tom. 1. la 39. in ordine, rebusque alijs, in actis latius deductis; Dicimus,
declaramus, & definitivè sententiam præfatâ Cōstitutione Clementis
Septimi, ut supra contentâ fore, & esse exequendam, & inviolabiliter ob-
servandam per dictum Reverendissimum Archiepiscopum, atque eius

Officiales, prout Nos per hanc nostram Sententiam illam observari volumus, & mandamus; & pro vero, & reali effectu illius executionis, & observationis Edictum ab eodem Reverendissimo Archiepiscopo, eiusque Officialibus publicatum sub die 4. Iulij 1689. seu, &c. quo prohibetur Rectoribus, Curatis, Beneficiatis, Capitulis sui Archiepiscopatus, ac quibuscumque Notarijs, alijsvè personis, nè sub excommunicatione maiori, alijsque pœnis Gratiarum Apostolicarum Beneficiales, & alterius cuiuscumque generis, etiam si essent in forma gratiosa executioni demittantur, nisi prius vitæ, & examinata fuerint per eius Vicarium Generalem, necnon Constitutiones Synodales, alteram nempe aditam de anno 1515. seu, &c. ab Alphonso de Aragonia, alteram verò de anno 1656. seu, &c. à Ioanne Cebriano tunc Archiepiscopo Casaraugustæ in eodem Edicto enuntiatas, seu renovatas, annullandam, irritandam, & lacerandam, seu annullandas, irritandas, & lacerandas fore, & esse, & à Libris Constitutionum Synodaliarum, & alibi, vbi tam Edictum prædictum, quàm Constitutiones Synodales antedictæ fuerint descriptum, ac annotatum, seu fuerint descriptæ, atque annotatæ, delendum, cassandum, & abolendum, & seu delendas, cassandas, & abolendas fore, & esse, prout idem Edictum, & præfatas Constitutiones Synodales annullamus, irritamus, cassamus, & aboleri mandamus, molestaciones, inquietaciones, & vexaciones præfatis Decano, Canonicis, & Capitulo occasione huiusmodi Edicti, & Constitutionum Synodaliarum illatas, & inferri comminatas, illicitas, & indebitas, præsumptas, & temerarias fuisse; & esse declaramus, ab illisque in posterum abstineri mandamus, firmis tamen, atque in suo robore omnino manentibus omnibus, & singulis dispositis, & contentis in Sacro Concilio Tridentino, prout de lure, perpetuumque silentium super præmissis imponendum esse præfato Reverendissimo Archiepiscopo, eiusvè Officialibus, prout imponimus, & pro præmissis in executione dictarum Litterarum Mandatum de exequendo, delendo, & abolendo, & aliud quodcumque desuper necessarium, & opportunum decernimus, & relaxamus, non solum præmissis, sed omnibus &c. Volumus etiam, & mandamus, vt infra quindecim dies à die intimacionis huius nostræ Sententiæ, seu illius Instrumenti computandos, quem terminum assignamus pro tribus Canonicis monitionibus, nempe quinque dies pro singulo termino, debeant dictus Reverendissimus Archiepiscopus, & eius Officiales paruisse, & parere eidem Sententiæ, & pro effectu partitionis per se ipsos, seu ipsorum Ministros aboluisse, & cancellasse, seu aboleri, & cancellare supradictum Edictum, prædictasque Constitutiones Synodales, atque à Libris Constitutionum, seu ab alijs quibuscumque, & ab omnibus Locis, vbi existunt, cassasse, & abrasisse, seu cassare, & abradere, ita, vt de abolicione, cancellatione, cassatione, & abrasione extet publicus Actus, sub pœnis in prædicta Bulla sancti. mem. Clementis VII. ac in nostro Monitorio contentis, ipso tacto incurrendis, ad quarum executionem, & declarationem, elapso dicto termino, & nõ sequuta partitione prædicta deveniemus. Victumque Victoribus in expensis condemnamus, quarum taxationem Nobis, vel cui de lure in posterum reservamus. Et ita dicimus, pronunciamus, decernimus, declaramus, & sententiamus, non solum vt supra, sed omni, &c. **ITA PRONVNCA-**

VI EGO DOMINICVS TAVRSIVS LOCUMTENENS, ET
IVDEX COMMISSARIVS. QVO CIRCA NOS pro executione
præinsertæ Sententiæ, ex parte dicti Reverendissimi Capituli instanter,
& debite requisiti, vobis omnibus, & singulis supradictis, & vestrum cui-
libet in solidum tenore præsentium committimus, & in virtute Sanctæ
Obedientiæ strictè præcipiendo mandamus, quatenus statim visis, seu
receptis præsentibus, & postquam præsentium vigore fueritis requisiti,
seu aliquis vestrum fuerit requisitus, ex parte nostra, imo verius Aposto-
lica autoritate præinsertam Sententiã, omniãque, & singula in ea cõ-
tenta, & expressa prædicto Reverendissimo Archiepiscopo, eiusque Offi-
cialibus, & Ministris, ceterisque ad quos spectat, & spectabit, & in exe-
cutione præsentium nominandis, & cognominandis, INTIMETIS, in-
sinuetis, notificeris, ac ad eorum, & cuiuslibet ipsorum noticiã deducatis,
& deduci faciatis, vt nos intimamus, insinuamus, notificamus, &c.
per præsentem, ne ignorantiam aliquam de præmissis prætere, seu alegare
valeant, ac ad omnem meliorem finem, & effectũ. Tibi vero Illust-
rissimo, & Reverendissimo Archiepiscopo, tuisque Officialibus, & Mi-
nistris committimus, & sub sententijs, censuris, & præbis in præinserta Sen-
tentiã contentis, & expressis expressè præcipimus, & mandamus, quate-
nus infra quindecim dies à die intimationis, & præsentationis præsen-
tium Litterarum, & Mandati tibi, tuisque prædictis Ministris vt supra fa-
ciendę computandos, quorum quinque pro primo, quinque pro secundo,
& reliquos quinque dies, pro tertio, ultimo, & peremptorio termino, ac
trina monitione Canonica assignavimus, & assignamus, debeas, & debeãt,
ac eorum quilibet debeat Edictum per te, tuosque Officiales sub die
quarta Iulij 1689. seu &c. vt supra publicatum, necnon præfatas Consti-
tutiones Synodales, alteram nempe editam de Anno 1515. & alteram
de Anno 1656. seu &c. & in prædicto Edicto enunciatas, seu renovatas,
ac per dictum D. Locumtenentem vt supra annullatum, & annullatas,
irritatum, & irritatas à Libris Cõstitutionum, seu ab alijs quibuscumque,
& ab omnibus Locis vbi existunt, cassasse, aboluisse, cancellasse, & abra-
sisse, ita vt de cancellatione, & abrasione huiusmodi fiat, & existat publi-
cus actus, sive cassari, & abradi fecisse, & mandasse, ac præinsertæ Sen-
tentiæ, præsentibusque nostris Litteris, & Mandatis omnino paruisse, &
de partitione in actis infrascripti Notarij legitime docuisse. ALIOQVIN
NOS sive idem D. Locumtenens noster infrascriptus ad supradictarum
penarum incursum declarationem, & executionem omnino deveniemus,
sive deveniet, quibuscumque non obstantibus, &c. In quorum, &c. Da-
tum Romæ ex Ædibus nostris, hac die vigesima secunda Maij, 1690.
*Dominicus Taurusius Locumtenens. Loco sigilli, Ioseph Maria Belletus,
Causarum Curie Camere Apostolicæ Notarius. Intimatio cum Mandato
de delendo vigore Sententiæ.*